

Gyanghcouh Gih Leihyungh “Ciet Bauqva Byagim” Hainduj Ndwen Senhconz Minzcuz Doxgiet Cinbu Hozdung

江州区利用“金山花炮节”启动民族团结进步宣传月活动

3 nyied 27 hauh, Cungzcoj Si Gyangh-couhguh ciet bauqva byagim nem ndwen vwnzva lijyouz hozdung youq Cojcouh Cin banh, doengzseiz ndwen senhconz minzcuz doxgiet cinbu hozdung hix hainduj lo.

Hozdung hingzsik lai cungj lai yiengh, miz doiq fwen、ciengj bauqva、bau aendomq daengj conzdungj diyyuz hanghmoeg biujyienj, gig miz yinx caeuq minzcuz daegsaek naekna, hawj vunz yawj dwk lwgda mbouj yaep. Doengzseiz, lij cujciz haiguh lijyouz gingjdiemj、huq daegsaek doigvangq gaisau hozdung, baij ngaizbakranz. Gyanghcouh Gih Minzcuz Swvugiz、Minzyijban yungh aen seizndei neix, gaenxmaenx haiguh senhconz minzcuz cwngecwz fapldw fapgvi, laeb senhconzlanz 2 gep, venj mbawbaengzhoengz senhconz Cuengh Gun song cungj saw 10 diuz, fat bonjsenhconz 1000 lai bonj, fat daehvanzbauj fwnzriuj yaenq miz minzcuz cwngecwz haenx 450 aen. Neix mboujdan caenh’itbough swnjcienz caeuq fatyienz Bouxcuengh conzdungj vwnzva maenhndei, fungfouq vwnzva saedcej vunzlai, youh cungfaen vatcimh caeuq baijyienj vwnzva goekdaej naekna Gyanghcouh Gih, dajcaux le minzcuz conzdungj vwnzva binjbaiz, hix vih Gyanghcouh Gih minzcuz doxgiet cinbu senhconz laebhwnj aen bingzdaiz ndei ndeu.

(Cang Yenz/臧源 Veiz Veighen/韦慧娟)



▲ Ciengj bauqva.

► Hwnjdaiz Biujyienj cezmuuz ndei yawj.



Cingsih: Ndwensam Fwencuengh Lwenq Henzguek

靖西：三月壮歌耀边关

3 nyied 30 hauh, Cingsih Si youq Cunghsanh Gvangjancangz banh bi 2016 “sam nyied sam” Bouxcuengh conzdungj ciet fwen hozdung, doengz-caez angqhoh conzdungj ngoenzciet Bouxcuengh raeuz, yinx ndaej ca mbouj geijlai 2 fanh boux vunz daeuj yawj.

Hozdung guh ngoenz ndeu, ceiqqonq youz si minzcuz cunghyoz lauxsae hagseng guh bau aendomq biujyienj, daihgya itheij camgya hozdung. Riengzdwk haiguh ndawbiengz minzsuz vwnzyi comzyienj, daihhingz fouxgoengfou 《Nungz Cigauh Loeg Geiz Binghcin》、diuqfoux 《Foux Loenghlab》、Fouxmyauz 《Cingz Aenvenz》caeuq swcigih gaep feihyiz hanghmoeg 《Angqhoh Fungsou》daengj hwnjdaiz yienjok, lij miz fwen comzyienj、cai fwen doxdax、eu fwen doxdax daengj hozdung dem.

Cingsih Si bi 2016 “sam nyied sam” Bouxcuengh conzdungj ciet fwen hozdung cawjdaez dwg gak minzcuz doengzcaez doxgiet haenq guh、doengzcaez hoenghvuengh hwnghat, haenqrengz senhconz le minzcuz cwngecwz dangj caeuq guekgya, fatyienz le minzcuz vwnzva, vih Cingsih cauxlaeb daengx guek minzcuz doxgiet cinbu sifan si okrengz, vih henzguk gak cuz beksingq daezhawj gij cingsaenz saedcej fungfouq.

(Cau Sinhveih/赵新辉)



▲ Eu fwen yienhciegz nauh-yied raixcaix.

Yanghgangj Fuzvei Gyauyuz Gihginhvei Byaijcunz Doxgyau Hozdung Guengjsae Yanghgangj Cingzngeih Ndaej Daezsang

香港福慧教育基金会走访交流活动提升桂港两地友谊获得



▲ Hagseng Yanghgangj Guengjsae itheij bau aendomq.

doenggvaq faen cuj sonhag、guh gigwn ndei conzdungj、itheij guhcaemz daengj hozdung, hawj gyoengq hagseng Yanghgangj roxyiuj daengz gij minzsuz fungcingz Guengjsae saujsu minzcuz raeuz, hix hawj gyoengq hagseng Sangswh Yen roxyiuj gij vwnzva Yanghgangj.

Baez hozdung neix caenh’itbough coicaenh le Guengjsae Yanghgangj song dieg bouxcoz nyezrauh hagsib caeuq doxgyau, hawj song dieg mbouj doengz minzcuz hagseng demgya doxrox, roxnyinh mbouj doengz vwnzva, laebhwnj le cingzngeih naekna.

(Sangswh Yenveij Dungjanbu)



▲ Doxdax eu fwen.

Fwenvuengz Bouxcuengh Doxdax Eu Fwen Angqcoux Sam Nyied Sam

广西歌王赛歌迎三月三

3 nyied 31 hauh, Ginhsiu Yauzcuz Swciyen “fwenvuengz Guengjsae” Huz Veilanz、Mungz Gveiyinhg caeuq gizyawz 7 boux canghfwen youq aen yienh neix Lenzvahasnh、Byaraemx Singzyauz daengj gingjih guh eu fwen doxdax. Ciuq cam rox, baez doxdax neix dwg vih liux camgya Laizbinh Si “fwenvuengz doxdax fwen ‘sam nyied sam’ ciengqyiengj Laizbinh deihfueg ndei” doxdax guh caepcawq. Aen yienh neix Cuengh、Yauz daengj gak cuz vunzlai cungj haenggyaez eu fwen, moix baez daengz ngoenzciet hung, gaihgya cungj doxcomz youq itheij, aeu fwen cienz cingz, aeu fwen gyau youx, yungh sing fwen danqciengq mbanjranz gyaendei.

(Cinz Haijyen/秦海燕 Bangz Siujvaz/庞晓华)